

ուներն: Նրանք նայում են դէպի յետ, եւ լեռների խտտաշունչ քամին նրանց դէմքերի վրայ ակօսած է տարօրինակ կնճիռներ, որոնք ժրպիտը դառն մեթամադճոտութեան են վերածում եւ իրենց խօսած հայերէնի մէջ բիրտ մի շեշտ են դնում:

Բակերի մէջ, վայտէ ցանկապատերի ետեւ, ջրակոյտեր, հաւեր՝ յաղթանդամ աքլորների շուրջը բոլորուած ու անխուսափելի եւ կծու կաղամբի հոտը:

Մի քանի քայլ աւելի վեր՝ հայ գիւղը: Խոնարհ, քարաշէն, միշտ էլ իր ոճը պահող եկեղեցին, ու գետնին դրեթէ հաւասար, հողով ծածկուած քարերի կոյտը... Հայ գիւղը լեռան վրայ չբարձրացող, այլ լեռան հետ հաւասարուող, հայ գիւղը, ինքն իր մէջ քաշուած, խոնարհ, ախուր եւ մտահոգ: Կոյտերի մօտ շինականներ են նստած՝ անշարժ, հանգիստ, անտարբեր: Չեն իսկ բարեւում: Նրանց ոչինչ չի դարձացնում: Ի՞նչ կայ որ, ո՞վքեր են որ... Նայում են դէպի ներս քաշուած նայուածքներով, մի քիչ այնպէս, ինչպէս մօտակայ ժայռերը, ինչպէս մենակեաց կանգնած հաստատուն լեռները: Ու հազած են նոյն այդ ժայռերի գոյն ունեցող զգեստներ: Եկուր չեն, այլ չըջապատող ամբողջութեան անբաժանելի մասն են: Ի՞նչ կայ որ, ո՞վքեր են որ...

— Զարմանալին այն է, որ մեր այդ գիւղացիները տասնեակ տարիներով ապրում են եկուր ուսուների մօտ եւ ոչ մի բան չեն ընդօրինակում:

— Տօ՛, նայի՛ր, գոմի մէջ աղանի էլ կայ:

— Մինչեւ հիմա պատուհան իսկ չզիտեն չինել: Քաղաքակրթութիւնը...

— Ի՞նչ նիհար են այստեղի կովերը:

— Հանդիպում է ժայռին:

— Բնական է:

— Բնական է: Նորից պարադոքս...

— Ինձ համար խոր ճշմարտութիւն: Հայը ուստին, ինչպէս նաեւ թուրքին չի կարող յարգել:

— Եւ ինչո՞ւ:

— Որովհետեւ այդ երկու ազգերը քար տաշել չզիտեն:

— Այ թե՛ղ բան...

— Այ՛, թէ՛ ուսուները եւ թէ՛ թուրքերը

քար տաշել չզիտեն: Մեր գիւղացին նայում է նրանց վրայ, ինչպէս տարերային ուժերի վրայ՝ անողոք քամի, մրրիկ, երկրաշարժային կոյր ցնցում, որի դէմ ոչինչ չես կարող անել, որի հետ պէտք է յարմարուել եւ ըստ կարելւոյն կուռել: Արհամարհում է: Թուրքը «չուն» է, «բարբարոս» է՝ այդ բառը նա գործ է ածում յունական իմաստով՝ նա չի «մեռնում», այլ «պաղում է, սատկում է»: Ուսը՝ «սոխ» է, «կեղտոտ», բիրտ, կոպիտ, յիմար...

— Կրօնական նախապաշարունակներ...

— Նախապաշարունակներն իսկ ուներն իրենց խոր պատճառները, որոնք տարօրինակ կերպով ճշմարտութեան են մօտենում: Հայ մարդը գերազանցապէս յարակալական է: Իր ամբողջ գազանիքը եւ իր ողբերգութիւնը դրա մէջն է: Ու մենք, որ մասամբ ծանօթ ենք մեր պատմութեան, բնաւ խորհած չենք այդ պատմութեան փիլիսոփայութեան վրայ:

— Փիլիսոփայութիւնը վտանգաւոր բան է. ինչպէս ուղես կարող ես դարձնել:

— Ամէն ինչ մօտենալու կերպից է կախուած: Վայրենին փիլիսոփայ չէ, նա տարերային երեւոյթները նախնական ուժերի է վերածում եւ ենթարկում նրանց: Նիւթապատութիւնը նոր վայրենացման մի կերպ է:

— Հակաբնազանցական...

— Հակահոգեկան: Ներկայ պարագային նիւթը աւելի փոփոխական է քան հողին: Հայ ժողովուրդի կայունութիւնը եւ տեւականութիւնը առարկայական, արտաքին ձեռքից կախուած չէ, այլ ներքին ընթաց է, հաւասարակշռուած բովանդակութիւն, գաղտնի իմաստ: Հայը չի սիրում ու չի յարգում թուրքին եւ ուստին, որովհետեւ նրանք վրանների ժողովրդներ են. ամէն տեղ եկուր, ամէն տեղից անցնող: Բիթմը թիւ է, համեմատութիւն, յարաբերութիւն է պարապի եւ լեցուածքի միջեւ, լայնութեան եւ բարձրութեան միջեւ, ամբողջի եւ մասերի միջեւ: Հայը Հոռոմի դէմ ատելութիւն չունի, որովհետեւ նա գիտէր կամուրջներ շինել եւ սիւներ զետեղել, ինչպէս նաեւ պարսիկը. բայց որովհետեւ այդ ժողովուրդների կառուցողական ձեւը չէր համապատասխանում մեր ազգի ոգու գոյացման ինքնուրոյն թափին, մենք նրանցից բաժան-